

ერთი მხრივ, გარდაბნის მუნიციპალიტეტის მერია (შემდგომში „შემსყიდველი“) წარმოდგენილი მისი მერის ოადგილის ფუად მირზოევის სახით და მეორე მხრივ სს ქვემო ქართლის ტელე-რადიო კომპანია (შემდგომში მიმწოდებელი) წარმოდგენილი მისი დირექტორის გიორგი მგალობლიშვილის სახით, „სახელმწიფო შესყიდვების შესახებ“ საქართველოს კანონის და სატენდერო წინადადების საფუძველზე, ელექტრონული ენდერის (აუქციონის გარეშე) NAT240003311) ჩატარების შედეგად დებენ წინამდებარე სახელმწიფო შესყიდვების შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტება

1.1 „ხელშეკრულება სახელმწიფო შესყიდვების შესახებ“ (შემდგომში - „ხელშეკრულება“) -შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.

1.2 „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.

1.3 „დღე“, „კვირა“, „თვე“-კალენდარული დღე, კვირა, თვე.

1.4 „შემსყიდველი“- ორგანიზაცია, რომელიც ახორციელებს შესყიდვას.

1.5 „მიმწოდებელი“ - პირი, რომელმაც შემსყიდველ ორგანიზაციასთან დადო ხელშეკრულება სახელმწიფო შესყიდვის შესახებ;

1.6 „მხარე“ - „შემსყიდველი“ ან/და „მიმწოდებელი“.

1.7 „მომსახურება“ - ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი

2.1 სატელევიზიო მომსახურების შესყიდვა. (CPV92200000; 92220000;)

2.2 ხელშეკრულებით გათვალისწინებული მომსახურების აღწერა მოცემულია ხელშეკრულებაზე თანდართულ ფასების ცხრილში (დანართი #1-ში) და - ტექნიკური მოთხოვნები.

3. ხელშეკრულების ღირებულება

3.1 ხელშეკრულების საერთო ღირებულება შეადგენს 50 000 (ორმოცდაათი ათასი) ლარს.

3.2 ხელშეკრულების საერთო ღირებულება მოიცავს ხელშეკრულებით გათვალისწინებული მომსახურების გაწევასთან დაკავშირებულ მიმწოდებლის ყველა ხარჯს და საქართველოს კანონმდებლობით გათვალისწინებულ გადასახადებს.

4. ანგარიშსწორების ფორმები და ვადები

4.1 „მიმწოდებელთან“ ანგარიშსწორება განხორციელდება უნაღდო ანგარიშსწორებით ლარში.

4.2 ანგარიშსწორება განხორციელდება ეტაპობრივად, გაწეული მომსახურების დამადასტურებელი შესაბამისი მიღება-ჩაბარების აქტის საფუძველზე.

4.3 ანგარიშსწორების ვადა: 4.2 პუნქტით გათვალისწინებული დოკუმენტაციის წარმოდგენიდან 10 (ათი) სამუშაო დღე.

4.4 დაფინანსების წყარო: 2024 წლის ადგილობრივი ბიუჯეტი.

5. მიღება-ჩაბარების წესი

5.1 შემსყიდველის მიერ „შესყიდვის ობიექტის“ მიღება წარმოებს მიწოდების დასრულების შემდგომ გაფორმებული მიღება-ჩაბარების აქტის საფუძველზე.

5.2 მიღება-ჩაბარების აქტის გაფორმების საფუძველია წინამდებარე ხელშეკრულების 8.1 პუნქტით განსაზღვრული კონტროლის განმახორციელებელი პირის დასკვნა და მიმწოდებლის მიერ წარმოდგენილი ანგარიშები (გაწეული მომსახურების შესახებ).

6. მომსახურების გაწევის ვადა და ადგილი

6.1 მომსახურების გაწევის ვადა: ხელშეკრულების გაფორმებიდან 2024 წლის 31 დეკემბრის ჩათვლით, სატენდერო დოკუმენტაციისა და შემსყიდველის მოთხოვნის შესაბამისად.

6.2 მომსახურების გაწევის ადგილი: გარდაბნის მუნიციპალიტეტი

7. მხარეთა უფლება-მოვალეობანი

7.1 „შემსყიდველი“ უფლებამოსილია:

ა) ნებისმიერ დროს განახორციელოს „მიმწოდებლის“ მიერ ნაკისრი ვალდებულებების შესრულებისა და ხარისხის ინსპექტირება.

ბ) არ ჩაიბაროს რაოდენობრივად, ხარისხობრივად ან უფლებრივად ნაკლები მომსახურება.

გ) მომსახურების დასრულებამდე გამოითხოვოს მიმწოდებლისაგან მისთვის საჭირო დოკუმენტი.

7.2 შემსყიდველი ვალდებულია:

ა) უზრუნველყოს „მიმწოდებლის“ მხრიდან ხელშეკრულებით ნაკისრი, შესრულებული ვალდებულების ღირებულების ანაზღაურება, ხელშეკრულებით გათვალისწინებული ვადებისა და პირობების დაცვით.

7.3 მიმწოდებელი უფლებამოსილია:

ა) მოსთხოვოს შემსყიდველს ხელშეკრულებით ნაკისრი, შესრულებული ვალდებულების ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.

7.4 მიმწოდებელი ვალდებულია:

ა) სრულად და ჯეროვნად შეასრულოს ხელშეკრულებით ნაკისრი ვალდებულება.
ბ) გასწიოს მომსახურება სათანადო ხარისხითა და სრული მოცულობით, იმ ვადაში, რომელიც მითითებულია ხელშეკრულების 6.1 პუნქტში.

გ) უზრუნველყოს მომსახურების გაწევა დანართი #1-ის (ფასების ცხრილი) და „ტექნიკური მოთხოვნები“-ს შესაბამისად.

8. ხელშეკრულებით ნაკისრი ვალდებულებების შესრულების ინსპექტირება

8.1 ხელშეკრულებით ნაკისრი ვალდებულებების შესრულების ინსპექტირებას განახორციელებს გარდაბნის მუნიციპალიტეტის მერიის განათლების, კულტურის, ახალგაზრდობის, სპორტის, საზოგადოებასთან და მედიასთან ურთიერთობის სამსახური.

8.2 ინსპექტირების გამწევის ფუნქციები:

ა) „მიმწოდებლის“ მიერ ხელშეკრულებით ნაკისრი ვალდებულების ხარისხსა და მიწოდების ვადების ხელშეკრულების მოთხოვნებთან შესაბამისობის დადგენის მიზნით, სათანადო კონტროლისა და

ზედამხედველობის განხორციელება, მიღება-ჩაბარების აქტის გაფორმება.

ბ) სახელმწიფო შესყიდვის შესახებ ხელშეკრულების პირობების შესაბამისად „მიმწოდებელთან“ ანგარიშსწორების პროცესის რეგულირება.

გ) „მიმწოდებლის“ მიერ ხელშეკრულებით ნაკისრი შესრულებული ვალდებულების ნაკლოვანებებს ინსპექტირების გამწვევი აფიქსირებს ოქმით. დაფიქსირებული ხარვეზების გამოსწორება ხდება „მიმწოდებლის“ მიერ საკუთარი ხარჯებით.

8.3 „მიმწოდებლის“ მიერ ხელშეკრულებით ნაკისრი ვალდებულების შესრულებისას გამოვლენილი ყველა ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება „მიმწოდებელს“ საქართველოს კანონმდებლობით დადგენილი წესით.

9. პირგასამტეხლო ხელშეკრულების პირობების შეუსრულებლობისთვის

9.1 „მიმწოდებლის“ მიერ ხელშეკრულებით ნაკისრი ვალდებულების შესრულების ვადის გადაცილების შემთხვევაში, „მიმწოდებელს“ დაეკისრება პირგასამტეხლო ყოველ გადაგადაცილებულ დღეზე ხელშეკრულების შეუსრულებელი ვალდებულების ღირებულების 0.02%-ის ოდენობით.

9.2 იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების შეუსრულებელი ვალდებულების ღირებულების 1%-ს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისათვის გადასახდელი პირგასამტეხლოს ანაზღაურება.

9.3 თუ შემსყიდველი არ ასრულებს წინამდებარე ხელშეკრულების მე-4 მუხლის 4.3 პუნქტის მოთხოვნებს, მიმწოდებელი უფლებამოსილია დააკისროს შემსყიდველს პირგასამტეხლო, მიმწოდებლისათვის ჩასარიცხი თანხის 0.02%-ის ოდენობით, ყოველ გადაგადაცილებულ დღეზე.

9.4 პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

10. ხელშეკრულებაში ცვლილებების შეტანა და ხელშეკრულების შეწყვეტა

10.1 ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

10.2 ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

10.3 საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

10.4 ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

10.5 მხარე ვალდებულია 10.4 პუნქტით გათვალისწინებულ გადაწყვეტილების მიღების განზრახვის შესახებ არანაკლებ 5 (ხუთი) კალენდარული დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს.

10.6 ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

11. დაუძლეველი ძალა

11.1 მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გაწეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით.

აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

11.2 თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მეორე მხარე არ გათავისუფლდება ნაკისრი ვალდებულებებისაგან.

11.3 მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

12. დავები და მათი გადაწყვეტის წესი

ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

13. ხელშეკრულების მოქმედების ვადა

ხელშეკრულება ძალაში შედის ხელშეკრულების თავში მითითებული თარიღიდან და მოქმედებს 2025 წლის 31 მარტის ჩათვლით.

რეკვიზიტები:

„შემსყიდველი“

„მიმწოდებელი“

გარდაბნის მუნიციპალიტეტის მერია
მის.ქ.გარდაბანი დ.აღმაშენებლის №127
საიდენტიფიკაციო კოდი: № 226573204
მიმღები ბანკი: სახელმწიფო ხაზინა.
მიმღების დასახელება: ხაზინის ერთიანი
ანგარიში.
ბანკის კოდი: TRESGE22

სს ქვემო ქართლის ტელე-რადიო კომპანია
მის: რუსთავი, მეგობრობის გამზირი 32
საიდენტიფიკაციო კოდი # 216335838
სს „თიბისი ბანკი“
ბ.კ. TBCBGE22
ანგარიშის ნომერი: # GE74TB02 0000 0000 700 942
ტელ: 592700000

ელ-ფოსტა tvkvemokartli@yahoo.com

გარდაბნის მუნიციპალიტეტის მერის მოადგილე

სს „ქვემო ქართლის ტელე-რადიო კომპანია“-ს დირექტორი:

ფუად მიერზოევი

გიორგი მგალობლიშვილი

№	მომსახურების დასახელება	შეთავაზებული დრო	რაოდენობა ერთეულში	ერთეულის ღირებულება (ლარი)	საერთო ღირებულება (ლარი)
1	საზოგადოებისთვის მნიშვნელოვანი ინფორმაციის გავრცელების მიზნით (მაუწყებლობის კანონის 661 მუხლის #2 პუნქტი) სიუჟეტების დამზადება და გაშვება სატელევიზიო და facebook გვერდის საშუალებით	სატელევიზიო ეთერის საშუალებით, სიუჟეტების დამზადება-გაშვება ტელერადიოკომპანიის საინფორმაციო გამოშვებებში და facebook გვერდზე. სიუჟეტის ხანგრძლივობა დამკვეთის მოთხოვნის შესაბამისად	არანაკლებ 200 გაშვება	100,00	20000
2	მიმწოდებლის მიერ, საზოგადოებისთვის მნიშვნელოვანი ინფორმაციის შემცველი 3 ვიდეო-რგოლის დამზადება	თითო კლიპის ქრონომეტრაჟი არანაკლებ 60 წმ.	3 რგოლი	2 000,00	6000
2	საზოგადოებისთვის მნიშვნელოვანი ინფორმაციის ამსახველი ლაივის ტექნიკური უზრუნველყოფა ლაივის ჩართვა სატელევიზიო ეთერში და ტელერადიოკომპანიის ფებ გვერდზე, ასევე სუფთა (ტელერადიოკომპანიის ლოგოს გარეშე, ან მუნიციპალიტეტის ლოგოს გამოყენებით) სიგნალის ჩართვა მუნიციპალიტეტის მერიის ფებ გვერდზე და დამკვეთის მოთხოვნის შემთხვევაში.	სატელევიზიო და ფებ ლაივი. პერიოდულობა და თითო ლაივის ხანგრძლივობა დამკვეთის მოთხოვნის შესაბამისად	არანაკლებ 8 ლაივი	3 000,00	24 000,00
სულ ჯამი					50000,00

სს "ქვემო ქართლის ტელერადიო კომპანია" ს/კ 216335838

დირექტორი გიორგი მგალობლიშვილი

Giorgi
Mgaloblishvili
35001099691

Digitally signed
by Giorgi
Mgaloblishvili
Date: 2024.02.27
18:42:59

ტექნიკური მოთხოვნები

სახელმწიფო შესყიდვების ერთიან ელექტრონულ სისტემაში სატენდერო წინადადების წარდგენით პრეტენდენტი ავტომატურად გამოხატავს თანხმობას სატენდერო დოკუმენტაციით განსაზღვრულ მოთხოვნებზე

• სატენდერო წინადადებაში საერთო და ერთეულის ფასი გამოსახული უნდა იყოს საქართველოს კანონმდებლობით გათვალისწინებული და შესყიდვის ობიექტის მიწოდებასთან დაკავშირებული ყველა გადასახადის გათვალისწინებით. (დღგ-ს ჩათვლით)

პრეტენდენტი უნდა აკმაყოფილებდეს არანაკლებ შემდეგ ტექნიკურ პირობებს:

- ტელეკომპანიის მაუწყებლობის დაფარვის ზონა უნდა მოიცავდეს არანაკლებ გარდაბნის მუნიციპალიტეტის ადმინისტრაციულ საზღვრებს, რაც უნდა დასტურდებოდეს შესაბამისი დოკუმენტაციის წარმოდგენით;
- შესყიდვაში მონაწილეობის მსურველ პირს უნდა გააჩნდეს ორ ენოვანი (ქართულ-აზერბაიჯანული) საინფორმაციო გადაცემების/ვიდეორგოლების მომზადებისა და გაშუქების გამოცდილება, რაზეც წარმოსადგენია შესაბამისი დამადასტურებელი დოკუმენტაცია ვიდეოლინკები ან/და სხვა რაც დაადასტურებს აღნიშნულ მოთხოვნას.
- პრეტენდენტს უნდა ჰქონდეს არანაკლებ 1 წლიანი გამოცდილება ანალოგიური, გაწეული მომსახურების შესახებ. გაწეული მომსახურების დადასტურების მიზნით სისტემის მეშვეობით წარმოდგენილ უნდა იქნას ხელშეკრულებები შესაბამისი მიღება-ჩაბარების აქტით. იმ შემთხვევაში თუ გაწეული მომსახურებები განეკუთვნება სახელმწიფო შესყიდვებს, საკმარისია შესყიდვის შესაბამისი ნომრის (SPA, NAT, DAP, CMR...) მითითება.
- ტელევიზია უნდა იყოს საქართველოს კომუნიკაციების ეროვნული კომისიის მიერ ავტორიზებული და მინიჭებული უნდა ჰქონდეს საერთო საეთერო მაუწყებლობის უფლება ქართულ და აზერბაიჯანულ ენებზე, რაც უნდა დასტურდებოდეს შესაბამისი დოკუმენტაციის წარმოდგენით;
- ტელეკომპანია უნდა იყოს მაგთიკომის IP TV, სი-ჯი-სი-ს, სილქნეტის სატელევიზიო პაკეტში, რაც უნდა დასტურდებოდეს შესაბამისი დოკუმენტაციის წარმოდგენით;
- ტელეკომპანიას უნდა ჰყავდეს მინიმუმ ორი გადამღები ჯგუფი, გააჩნდეს ტექნიკურად გამართული ოფისი, სადაც გადაცემების ჩაწერა იქნება შესაძლებელი. (სატელევიზიო სტუდია, სამონტაჟო, ვიდეო კამერები);
- ტელეკომპანიის ეთერში გასული გადაცემების ნახვა შესაძლებელი უნდა იყოს ინტერნეტ პორტალ **myvideo**-ს საშუალებით - დასადასტურებლად, რომ ტელეკომპანია მაუწყებლობს ინტერნეტ პორტალ **myvideo**-ზე უნდა დასტურდებოდეს შესაბამისი დოკუმენტაციის წარმოდგენით;
- ტელეკომპანიას უნდა ჰქონდეს საკუთარი **youtube** არხი, სადაც ხელშეკრულების ფარგლებში, სატელევიზიო ეთერში გასული ყველა სიუჟეტი გამოქვეყნდება-

ტელეკომპანიის **youtube** არხის არსებობის დასადასტურებლად წარმოდგენილი უნდა იყოს შესაბამისი ინფორმაცია;

- ტელეკომპანიას უნდა ჰქონდეს საკუთარი **facebook** გვერდი, სადაც ხელშეკრულების ფარგლებში მომზადებული სიუჟეტი/ინფორმაცია გამოქვეყნდება-ტელეკომპანიის **facebook** გვერდის არსებობის დასადასტურებლად წარმოდგენილი უნდა იყოს შესაბამისი ინფორმაცია;

მიმწოდებელმა უნდა უზრუნველყოს:

- გადაცემის დაანონსება, მის ეთერში გასვლამდე;
- საზოგადოებისთვის მნიშვნელოვანი ინფორმაციის გავრცელების მიზნით სიუჟეტების დამზადება და განთავსება (მაუწყებლობის კანონის 661 მუხლის #2 პუნქტის შესაბამისად) ტელე-რადიოკომპანიის საინფორმაციო გამოშვებებში. ინფორმაციის გავრცელება უნდა მოხდეს სატელევიზიო და facebook გვერდის საშუალებით (facebook გვერდის საშუალებით გავრცელებული ინფორმაცია, სატელევიზიო ეთერით გავრცელებულ ანალოგიურ სიუჟეტთან ერთად, უნდა ჩაითვალოს ეთერში ერთ გაშვებად);
- ხელშეკრულების ფარგლებში გადაღებული ვიდეომასალის არაბრენდირებული (ტელეკომპანიის ლოგოს გარეშე) სახით მიწოდება დამკვეთისთვის, მისი მხრიდან მოთხოვნის შემთხვევაში, მისი შემდგომი გამოყენების ან გავრცელების მიზნით;
- პირდაპირი ჩართვები საზოგადოებისთვის მნიშვნელოვანი, დამკვეთის მიერ ორგანიზებული ღონისძიებებიდან. პრეტენდენტმა უნდა მოახდინოს პირდაპირი ჩართვის ტექნიკური უზრუნველყოფა გარდაბნის მუნიციპალიტეტის მერიის facebook გვერდზე, ლაივი უნდა ჩაირთოს პრეტენდენტის ლოგოს გარეშე, დამკვეთის მოთხოვნის შემთხვევაში, გარდაბნის მუნიციპალიტეტის მერიის ლოგოს გამოყენებით;
- ტელერადიოკომპანიის ეთერში, ამავე მედიასაშუალების facebook/web გვერდებზე გარდაბნის მუნიციპალიტეტის მერიის საქმიანობის შესახებ გასულ გადაცემებში უნდა მოხდეს მუნიციპალიტეტის მერიის თანამშრომლების არაქონებრივი უფლებების (პატივი, ღირსება, საქმიანი რეპუტაცია ან პირადი ინფორმაციის შემლახავი ცნობა)დაცვა;
- ნებისმიერ ინფორმაციაში, რომელსაც პრეტენდენტი გაავრცელებს თვითმმართველობის, ან თვითმმართველობაში დასაქმებული საჯარო მოხელეების საქმიანობის შესახებ, რაიმე ოფიციალურ, ან არაოფიციალურ წყაროზე დაყრდნობით, (როცა აღნიშნული ინფორმაცია პირდაპირ, ან ირიბად ეხება თვითმმართველობის საქმიანობას), გარდა ფორს-მაჟორული სიტუაციისა, გავრცელებულ ინფორმაციასთან ერთად უნდა დაფიქსირდეს მუნიციპალიტეტის მერიის პოზიცია, რათა

საზოგადოებამ მისთვის მნიშვნელოვანი ინფორმაცია მიიღოს სრულად და არა ცალმხრივად;

- ყოველი მომდევნო თვის მომსახურების დაგეგმვა უნდა მოხდეს დამკვეთის მიერ ყოველი თვის ბოლოს გაკეთებული დაკვეთის საფუძველზე. კონკრეტული თვის განმავლობაში ტელეკომპანიის მიერ გასაწევი მომსახურების რაოდენობაში ცვლილებების შეტანა მოხდება დამკვეთის მიერ მიმწოდებლისთვის წერილობითი ფორმით მიმართვის, ან დამკვეთთან სიტყვიერი შეთანხმების საფუძველზე, რაც შემდგომ აისახება მიღება-ჩაბარების აქტში;
- ტელეკომპანიამ უნდა მოახდინოს ეთერში გასული ვიდეომასალის დაარქივება 1 (ერთი) წლის განმავლობაში და საჭიროების შემთხვევაში უნდა უზრუნველყოს არქივის მიწოდება შემსყიდველისთვის;